



第一三二五册

四庫全書

●上海古籍出版社

本冊目次

精華錄
堯峯文鈔

清王士禎撰……………一
清汪琬撰……………一〇三

欽定四庫全書

集部
精華錄卷二

詳校官侍讀學士臣陸伯規

助教臣常循覆勘

總校官進士臣朱 銓

校對官編修臣秦 瀛

謄錄監生臣鄭自彬

欽定四庫全書

集部七

精華錄

別集類六

國朝

提要

臣等謹案精華錄十卷

國朝王士禛撰士禛有長白山錄已著錄其詩

初刻有落戕堂集皆少作也又有阮亭詩及

過江入吳白門前後諸集後刪併為漁洋前

集而諸集皆佚嗣有漁洋續集蠶尾集續集

欽定四庫全書

精華錄
提要

後集南海集雍益集諸刻是編又刪撮諸集

合為一帙相傳士禛所手定其子啟沂跋語

稱門人曹禾盛符升仿任淵山谷精華錄之

例鈔為此錄者蓋託詞也士禛談詩大抵源

出嚴羽以神韻為宗其在揚州作論詩絕句

三十首前二十八首皆品藻古人末二首為

士禛自述其一曰曾聽巴渝里社詞三閭哀

怨此中遺詩情合在空舲峽冷雁哀猿和竹

枝平生大旨具在是矣當康熙中其聲望奔走天下凡刊刻詩集無不稱漁洋山人評點者無不冠以漁洋山人序者下至委巷小說如聊齋志異之類士禎偶批數語於行間亦大書王阮亭先生鑒定一行弁於卷首刊諸梨棗以為榮惟吳喬竊目為清秀李于鱗見談錄汪琬亦戒人勿效其喜用僻事新字見士禎自作居而趙執信作談龍錄排詆尤甚平心而易錄

欽定四庫全書

精華錄

二

論當我

朝開國之初人皆厭明代王李之膚廓鍾譚之纖仄於是談詩者競尚宋元既而宋詩質直流為有韻之語錄元詩縟豔流為對句之小詞於是士禎等以清新俊逸之才範水模山批風抹月倡天下以不著一字盡得風流之說天下遂響應之然所稱者盛唐而古體惟宗王孟上及於謝朓而止較以十九首之

驚心動魂一字千金則有天工人巧之分矣近體多近錢郎上及乎李頎而止律以杜甫之忠厚纏綿沉鬱頓挫則有浮聲切響之異矣故

國朝之有士禎亦如宋有蘇軾元有虞集明有高啟而尊之者必躋諸古人之上激而反脣異論遂漸生焉此傳其說者之過非士禎之過也是錄具存其造詣淺深可以覆按一切

欽定四庫全書

精華錄

三

黨同伐異之見置之不議可矣乾隆四十六年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

精華錄卷一

刑部尚書王士禎撰

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私八諸諫官彈射姦惡咸有直聲自
中丞刺吏貶二千石各各有廉名日南交趾皆我郡縣

欽定四庫全書

卷一

靈夷君長以時稽首殿庭屬國具為今文笥生翠來王
京幸太學三老而五更遂賜民爵一級存問長老遣都
吏循行大酺十日除宮刑美人曼壽百室豐盈

慕容垂歌三解

慕容初入鄴已有虎狼志前驅丁零部後面鮮卑騎
燕燕尾涎涎飛飛啄啄塘蒲三原隔五峻緩急當奈何
慕容在何許已度涼馬臺饑鷹掣韁絲一逝不復歸

白紵詞三首

江南煙水多白鳧羣飛啞啞烟際呼美人窈窕為君娛
蜀羅吳縠曳華裾修眉呈的妍且都明鑑遙映丹脣朱
清歌錯落大小珠折腰流盼意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

青春遙夜開華綺羅絃管東西廂阿誰公子淮南王
美人家本邯鄲倡合蟬籥馬耀明妝起舞為君陳樂方
翠曾參差烟際翔鸞驚龍婉相頡頏西城北里各擅場

欽定四庫全書

卷一

羅襪文巾紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七槃妙舞紛相當須臾璧月沉西方
汝南鳴雞啼曉霜今我不樂去日長裝回念此推中腸
翡翠幃陳高堂請君安坐樂未央

擬美女篇

洛濱風日好美女出相望瑤象飾香轂玉軻鳴鏘鏘采

春蘭阪上弭蓋蘅皋傍龍輔節纖步驚珠結明璫偕問
女誰氏少小生平陽大姊入後宮次姊瑯琊王小妹雖
不貴夫婿直東廂出入冠駿驥天子侍中郎檻衣萬錦
費驂裏千金裝容華誠自惜貴盛寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采指顧風雲生朝

欽定四庫全書

精華錄
卷一

三

遊屬王觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛天逆風鳴大澤鷗
鷁遶深雪狐兔驚迴瞻鵲雀門突兀與雲平鞍馬倏來
歸勢若浮烟輕昨夜羽書至貳師出邊庭上馬別妻子
鳴鏑追前旌隨冠軍伍復此河源行大漠少行人深
谷多鼯鼯朝飲沙上泉夕戍雲間城左顧疏勒服右盼
伊吾清無令都護將關外獨聲名

自石橋尋黛溪遂至摩訶峰下

日落山氣涼清流自迴轉窮源不知勞漸忘溪路遠幽
石各奔峭脩樹亦蜿蜒遙睇徑難測迴矚途屢變寂歷
衆山響蕭條晚風善微徑暮想出懸崖歸鳥見須臾夕
霏收殘陽四山徧新月忽清揚餘霞自舒卷稍覺葛衣
輕幸藉孤筇健平生邱壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領睇前峰抗策辭東路數
武即岵欽危蹊少安步顧盼見百里雲日媚烟樹憑高

欽定四庫全書

精華錄
卷一

四

俯澄湖風帆競孤驚晴旭移峰巔明晦變已屢褰衣入
空翠溪流渺南注樛球曠遊眺蒼茫失昏曙東山清風
東西澗涼雨度澄潭益蕭瑟游鱗紛散聚前賢跡已遠
山川緬如故夙昔思古人三歎讀書處

醴泉謁誌公像觀唐碑

碑開元三
年乙卯立

早讀神僧傳緬希誌公迹劍水蹤已迷鍾山事成昔豈
知常白峰留此千年石烏爪帶銅綠鏡面瑩辭碧磨滅
開元碑蟲鳥紛難譯披蘿究遺文剝苔理殘畫斷闕發

聞見悲牧塢歎惜陸銘圯寒塚王碑委荒僻廬陵傲珠
犀東武比博奕淪彙多名珍何憚窮鈎索一勺醴泉水供
此風雨夕

神僧傳誌公面瑩徹如鏡手足皆烏木碑有云
陸德製銘十家內王筠勒碑于寺門皆與傳合

醴泉寺高閣瞻眺有懷范文正公

風雨湖上來蕭條灑飛閣殷雷起蒼際極目窮寥廓遙
天壓烟水空濛氣磅礴大澤盤蛟龍斜風偃鵬鶚卻眺
鴻濛中日光遠迴錯草木暗四山急涼鳴萬壑悵然思
古人大雅何時作

欽定四庫全書

精華錄
卷一

書堂

絕澗已千仞磴道仍九盤直上若懸溜纏屬執難安右
顧踐鹿跡左顧憑鳥翰日落空山中蕭然風氣寒精舍
壁間出洞門天際看奇石壓巖戶孤立何巔岼突兀拔
澗底窈窕凌雲端入門度飛梁傍夕間驚湍幽軒宛初
構几榻皆峰巒頗意雷雨時雲氣生戶間諸天發鐘磬
星斗方闌干惆悵此靈境惘然懷懶殘

復雨

花枝濛濛日將暮颭颭涼颭起庭樹雨脚射地晝陰晦
急溜鳴簷不知數連年左輔嗟大無有蜚多靡仍屢書

良民重累背鄉縣奸民攻剽成荏苒天南干戈未寧息
男罷農耕女廢織長沙江中多戰船祝融峰頭尚兵革
羽書日下山東秭銓轉輸動千億苦竹黃楓猿盡啼
舟子征人少顏色掘冢鑄幣既不能展轉呼天猶力穡
今年稍稍宜雨暘黍稷撲撲稻葉長長官鞭扑那敢避
努力公家輸酒漿

欽定四庫全書

精華錄
卷一

和窟室畫松歌

黃門園中有窟室背枕亞祿山臨滄溟石壁磊砢一千
丈入眼髣髴生精靈橫壁老松誰所作海風怒攫山欲
傾盛陰五月凜霜雪怒安萬壑盤雷靈疑是溟渤含日
氣不然天上米星精我來盛夏變冬序白晝慘淡生晦
冥顛毛亂指舌上擒寒肌起栗心骨驚上下蒼茫有神
鬼左右騰跳飛颺颺江南吳生昔為此一一下筆吁龍
形昔者吳道子畫壁天宮寺將軍劍舞何蔚政興酣筆

落氣磅礴萬夫動色嗟神異吳生畫松已百載鐵幹霜皮終不改南榮曝背亦吾儔偃蹇龍鱗好相待

蠡勺亭觀海

登高卽而望遠海坐見萬里之波濤長天寥廓雲景異春陰偃蹇魚龍高怒潮乘風立千丈虎蛟水兕紛騰逃摩靈潛結萬窟氣一痕未沒三山椒須臾勢盡潮亦止波淡天清靜如綺菱苔沉綠紛紛塘螺蚌搖光散沙泊叅差島嶼羅殊域紛如星宿秋天裏擊我劍聽君歌有酒不飲當奈何日主祠前水蕭瑟仙人臺上雲嵯峨我羨門高誓不可見秦皇漢武空經過祇今指顧傷懷抱黃腫慳餅盡荒草人生快意無幾時明鏡朱顏豈長好吾將避世女姑山不然垂釣崢嶸島

周文矩莊子說劍圖

後有董宗伯書說劍篇

古今人物畫手誰第一晉有衛協吳曹興南唐周生更奇鳥行筆瘦掣姿峻嶒此圖在世踰千載墨光黯淡生光晶君王隱逸各有態蠡絲烟篆交迴縈目瞋鬚突五劍客

欽定四庫全書

精華錄

七

短後之衣曼胡纓二人旁立目左顧劍如星日光縱橫

昂首右顧者三士二人按鐔神欲生一人拔劍作虎步怒如截兕吞長鯨使筆如劍劍氣出此公無乃能鐵兵莊生說劍固豪快十步千里無留行千年奇論佐奇筆揮毫潑墨皆飛鳴雲間墨妙更道絕鍾王腕底紛鬬爭自云昔見吳興書說劍恨不作圖雙妙并今逢此卷信神物入恨作書非趙卿徘徊三載出金石煥然妙蹟如神明我聞周生妙得後主作字法秋胡謝女風格清秦

欽定四庫全書

精華錄

八

淮花月汴京土惑此傷人今古情

宣和御藏文矩有秋胡故實謝女寫真等圖

冬日偶然作四首

太史下蠶室坎壈誰見知發憤傳貨殖千古同悲噫郭縱出鑄冶翁伯起販脂灑削既鼎食胃脯亦連騎志士守蓬蘿不如交馬醫索帶披敝裘不如規魚陂

我愛灌仲孺意氣薄雲天長嘯入吳軍指顧堅壁穿長戰鬱龍蟠怒騎如風旋聲名冠諸侯時曰大夫賢魏其勢既落田氏寵益專朝請考工地夕奪城南田丞相故

賓客顧盼忍辱還笑罵顧四筵殊不直一錢當時膝席
子炎炎皆危冠

鄭季有孽子少小為人奴騎從平陽主給事建章居朝
拜大將軍封侯詔鉗徒遂復還尚主賜第耀通衢隴西
老飛將猿臂雄萬夫白首不得侯心折幕府書誰能對
刀筆臨風自捐軀天道有如此千古同歎歎

吾家有方平雅志託林壑拂衣早歸耕紹裘行採藥卜
築沃川豎垂釣上虞郭邈矣孔阮儔避哉箕穎樂瑯琊
欽定四庫全書
精華錄
卷一
九
多龍鬻羨此雲中鶴

春不雨

西亭石竹新作芽遊絲已冒櫻桃花鳴鳩乳燕春欲晚
杖藜時復經田家田家父老向我說穀雨久過三月節
春田龜坼苗不滋猶賴立春三日雪我聞此語重嘆息
瘠土年年事耕織暮間窮巷叱牛歸曉見公家催賦入
去年暘雨幸無愆稍稍三農獲晏食春米穀賤復傷農
不見饑烏啄遺粒即今土亢不可耕布穀飛飛朝暮鳴

春草作飯藜作羹吁嗟荆益方用兵

蠶租行十解

丁酉夏有民家養蠶質衣釧鬻桑而催租急遂
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日徧遺除一解
東鄰有少婦養蠶方一塢夜夜伴蠶眠桑葉恐不周二解
朝出南陌頭猗猗望桑柔亦不見桑柔樵子醉鵲鳩三解
歸來見蠶饑徘徊當奈何脫我耳邊釵鬻我嫁時襦四解

欽定四庫全書

精華錄
卷一

阿夫持襦去里正持符來漢中索軍租不得還顧私五解

里正且上坐龜勉具晨炊但緩一月餘蠶成賣新絲六解
新絲亦難賣新穀亦難收不見馬上郎雉尾紅錦裘七解
再拜謝里正丈人且旋歸鬻我嫁時襦脫我耳邊釵八解
蠶應黑瘦盡軍租持底當痛哭視孤兒畢命朱絲繩九解
阿夫還入門不復見故妻生既為同舍死當攜手歸十解

懷古詩三篇

魯仲連陂

七雄既龍闕陳寶歸嬴秦師出函谷關六國咸逡巡邯鄲日夜急咄嗟誰解紛蕩陰師既頓新行謀豈倫先生畫奇策長揖平原君僕妾愧萬乘大義明君臣縱橫數千言顧卻虎狼軍功成不受賞飄然歸海垠蹈海既高義肆志寧辱身至今齊趙士個個希清塵我來古陂上遺祠蔓荒榛覽道竄蒼龍天風吹白蘋緬懷田巴語景行跂千春

顏觸墓

欽定四庫全書

雜著錄

十一

末世寡尚志薄俗希乘軒豈不貴纁帛形役神不全吾高顏夫子抗節藐齊宣鐘簴寧足論殿上呼王前晚食與安步詎以榮利還監門良自賤趙士理亦賢俯仰二千載弔古悲荒阡墟墓絕想採清風激頽頑古道邈難作悲哉東逝川

韓固里

漢初尚黃老儒術間不章齊魯誕諸儒五經如載陽邈載清河傳卓為羣倫倡抵掌論湯武大義非荒唐曲學

誠孫弘微言詒后蒼訓詞列學官星日同琅琅我生睽千載桑梓寧異鄉寤寐思哲人流風一何長生慙齊魯學私淑附師匠

苦寒行

遠遶漁陽城飲馬滹沱渚河朔恒苦寒日夕風鳴悲風起廣塗霜霰凋人衣欲渡川無梁層冰何疊疊鷗巢鳴枯楊豺虎交路衢深谷多獫狫得食歡相追我行歲既晏十步八九迷他鄉少親故相逢知是誰憂愁鏤肌骨自顧顏鬢衰俛眎飛蓬根隨風時轉移我獨久伊鬱歲暮空徘徊寄語後來人遠遊不如歸

欽定四庫全書

雜著錄

十三

梁曰緝為言輞川雪中之遊

少志愛山水夢想懷藍田終南西峰下水石餘清妍憶昔維摩詰于此曾挂冠揮手謝時輩草堂常晏眠輞水遶舍下湖光明雲端繩牀間藥鐺清齋日蕭然春鷗漸矯翼夏木紛綿芊時尋名僧會自泛湖中船嘆息古人沒風物隨變遷仙令妙文筆慨然追昔賢積雪曜巖阪

秀色殿林密數里入谷口石流已藏藏水鳥相哀鳴雙
垞渺人烟却登華子岡輞水猶淪連花竹散已久亭館
供諸天王裝香千載卽壑亦凋殘來者復爲誰斯言良
足歎

慈仁寺雙松歌贈許天王

我昔登泰山舉手攀秦松東南雲海幾千里夜懸日氣
開鴻濛山人出山已三載復見金元雙樹在攬髯石骨
青銅姿古貌荒唐閱人代長夏蒼蒼秋氣深風來絕壘

欽定四庫全書

精華錄
卷二

十一

蛟龍吟仙人五粒不可見但有玄鶴來往飛陰森嶙峋
詰屈宛相向千曲盤擎氣初放一任支離拔地生那須
天矯排雲上我來高枕石壇邊耳畔往往聞驚泉白日
沉沉不到地颯然雷雨生空天煙色欲暝鐘復起雄談
岸憤波濤駛千秋萬歲知者誰閩海奇人許夫子

洗象行

水關蒼蒼柳陰碧寶馬流蘇紛紛繚日中傳呼洗象來
玉河波射珊瑚赤須臾鉦鼓千雲霄萬夫聲寂如秋宵

虎毛蠻奴踞象頂卽山不動何宮荒岸邊突兀二十四
直下波濤若崩墜縱橫欲蹴龜鼉宅騰踏還成鸕鶿隊
乍如昆明習關戰萬乘旌旗眼中見又如列陣昆陽城
雷雨行天神鬼驚奴子胡旋氣過壯忽沒中流狎巨浪
撒波一躍萬人呼幡然卻出層霄上今年丞相收夜郎
扶南盤况求王章遠隨方物貢天闕屹然立仗金階旁
聖朝自不貴異物致此亦足威遐方黃門鼓吹暮復動
海立山移浩呼洶大秦師子多威神山林豈是王家珍

欽定四庫全書

精華錄
卷一

十四

題趙澄仿王右丞摩峰飛雪圖

寒色冥冥下巖壑千峰萬峰雪初落瀑布無聲溪澗凍
紅樹微茫散孤閣閣中有客方緇袍當盃氣與蒼山高
遙看飛鳥落何處如聞落木鳴東臯崖橫路斷少人跡
稍見老樵下巖隙高低遠近一溪通晦明合沓千重隔
右丞昔日居藍田山水落筆窮自然雪岡漁市盡高妙
藥瀨歌湖紛眼前此圖曾入宣和譜董巨荆關爲足數
兵火相尋六百年玉璽金題幾更主雪江老筆妙入神

臨摹古本幾亂真即教唐宋多能手未必常逢如此人
傳侯天馬歌

傳侯天馬身八尺風鬃卓立雙瞳方赤毛朱翼信龍種
神姿磊落形昂藏來從流沙涉西極玉山之禾偶棲息
意氣生能輕虎兕驍騰木屑循羈勒四蹄烏爪如鋼鉤
經過千里風颭颭虎身壯士控不得仰睇閭闔浮雲愁
昔日湖南始征戰軍中驕驕號百萬此馬振鬣始一鳴
歛如天上驚雷電一從罷戰歸中原三年不復從櫜鞬
欽定四庫全書

精華錄

十五

漁陽落日下白草壯心更欲窮河源安得此馬飛上天
不須萬里遮窮邊即看郊祀陳天馬何減登歌太乙年

抱琴歌

潭陽之桐何畔畔以五絃發清商一彈再鼓儀鳳皇
鳳皇不來兮我心悲抱琴而死兮當告誰吁嗟琴兮當
知之

宣和御墨枇杷圖歌

盧橘蒼蒼橫幹起故印依稀識天水風枝雨葉不關愁

慘淡如披靖康史宣和文物劇風流繡襖錦纏窮千秋
畫學歲收五嶽觀圖書盡識太清樓盛衰轉瞬如飛電
年駘岡上紛刀箭紫筠花木推為新西風落日青城殿
此本流離出禁庭過江千載嘆飄零昔日興亡如在眼
還同麥飯哭冬青

夜經古城作

我行牛山下寒墟帶平楚不見齊王宮空城半禾黍
星耿不明白楊夜深語

欽定四庫全書

精華錄

十六

南園二首

曉起思園林昨夜西堂雨負秋眺前山初陽散平楚
池萍始合芳樹禽交語庭戶寂無人慨然念終古
夜雨雜花落衛門綠苔生誰能捉坐席共作林下行
荷舒午景茂林含夕清歸禽赴斜照稅駕此山楹

雨夜與禮吉叔子

高館多梧桐微雨飛向夕清談不能寐入夜轉蕭索
餘香歇幽幌暗蟲響堦石夢破忽沉吟悵然起鄉客

與周量過訪茗文夜雨共宿

故人千里別春草，夢已緣相思南雲端。目盡東海曲，復作帝城遊。乘暇慰幽獨，入門涼蟬鳴。中庭多嘉木，石徑生積陰。蒼苔宛山谷，坐久微風來。雨聲雜深竹，共有滄浪興。復縱青山目，良會誰能常。今宵得同宿。

贈勞山隱者

何許藏名地，秦山海上深。半夜白日出，風雨蒼龍吟。靜侶行道處，不聞樵採音。清冷魚山梵，寂寞成連琴。曉就

欽定四庫全書

精華錄
卷一

十七

諸天食，瞑棲蒼苔林。因知安居法，一袂無生心。我亦山中客，悠悠悔陸沉。

夜登燕子磯

渡江訪名山，層巔到曠黑。大江森欲動，浩浩千里色。把炬石燕飛，燃犀潯蛟匿。北望靈巖塔，知是專諸邑。悲慨下沾襟，此意誰當識。

宿弘濟寺曉登觀音巖眺望

擊楫凌滄洲，投宿招提境。入門優曇香，聞鐘夜方高。

枕聽清聲層軒抱，江影曉來微雨過。紅葉滿高嶺，憑闌見萬里雲物殊。清迥長山去，蜿蜒上流壑。江郢海門控金焦，蒼烟翳朝景。信美睇山川，霸圖迴烟冷。何如學無生，抗跡雲峰頂。

寄彭千羨門

蕭寺鐘殘時，燕山霜落夜。對牀語清夕，流連不知罷。落葉一紛飛，離鴻遂南下。澈浦近青山，依稀見君舍。

半山愛子寒江落潮之句，為作圖，愚山題詩其上。

欽定四庫全書

精華錄
卷一

十八

和答一首

我昨訪奇登燕磯，潑墨深更遍巖巔。捫蘿附葛不知險，夜踏空江欲崩石。掀髯作畫，鹿裘翁長歎。題詩宛陵客，何當結屋圖中居。卧看江天落潮白。

吳李子祠下作

我行延陵城，懷古心宛結。讓德邈已遠，流風緬叢哲。州來李當立，高懷寧詎屑。躬耕表遐志，亮哉子臧節。慕義永無窮，穹碑字難滅。所悲於潛後，國亂相更迭。伍胥進

勇士專諸踐王血遜位固高義復命忍臣列春秋不名
賢書札理當嘶嗚呼三代後斯風久淪絕廉節起頑懦
尚論義常竊鵠紉思古人空祠颯寒雪

毘陵歸舟

泊船西蠡河解纜東城路涼月淡孤舟遂村隱紅樹香
杏暮歸人悠悠渡江去

招隱寺

筍輿越黃鶴連岡帶平楚歷歷南朝松風吹落寒雨石
欽定四庫全書

精華錄

十九

楠紅始垂沙泉碧方吐遂造戴公山風氣何清古山門
映殘照雙泉咽寒嶼玉簪不復見空亭閑荒塢戴公昔
通隱風流照巖戶漱泉彈名琴東巡動人主清風一銷
歇初地留空宇金碧漸凋殘林壑自輕舉蕭條黃葉落
寂歷幽禽語迴澗起涼吹經堂罷齋鼓緬想剡中人蒼
茫久延佇

自招隱登夾山入竹林寺

籃輿俯高嶺石磴轉幽谷諸峯亂空翠澄江疊輕縠迴

望戴公宅秋氣益蒼蕭紺壁隱奇杉危亭蔽荒竹孤僧
遠獨歸山鳥暮相逐樹杪見古寺松枯散林麓絕壁尚
千尋紆迴非一曲初蠟阮公屐迺將訪金泉暝坐竹林
深山山靜寒綠

竹林寺

迢迢夾山道幽幽竹林寺林公闢山處泉澗饒古意鐘
磬聞諸天花樂覆平地森梢萬竿竹烟景滿空翠慈烏
識禪心清猿起愁思平生江海情蕭然但高寄回首禮
欽定四庫全書

精華錄

十

白雲何時謝塵累

林昇和尚塔院觀林公泉

祖堂白雲裏岩堯俯林樾昔人不可見巖桂花猶發惟
有林公泉消消漾明月

海門歌

岷峨東下江水長遠從井絡來吳鄉奔濤萬里始一曲
古之天塹維朱方北界中原壯南紀魚龍日月相迴翔
中流一島號浮玉登高眺遠何茫茫長空飛鳥去不盡

江海一氣同青蒼，山外兩峰連奇絕。雙闕屹立天中央，左江右海辨雲氣。如為八裔分紀疆，江流到此一縛束。早潮晚汐無披猖，燭龍曉日出雲海。山光照曜連扶桑，年來海戍未停罷。我舸大艦來汪洋，胡豆洲前起烽火。徒兒浦上披襦袴，古聞京口兵可用。寄奴一去天蒼涼，我願此山障江海。七閩百粵為隄防，作歌大醉卧巖石。起看江月流清光。

上方寺訪東坡先生石刻詩次韻

欽定四庫全書

精定錄

寺

昔出蜀岡道，黃葉鳴秋蟬。今來上方寺，綠萼破春烟。坦步寶帶側，延眺隋城巔。古刹龍象寂，殘碣蛛絲懸。緬思我嶺人文，米真神仙。贈詩日南使，賓佐皆豪賢。邈然竟終古，漱墨留春泉。老筆欲飛動，妙態殊使娟。空堂響人語，怖鴿飛聯翩。後遊慨今昔，憑弔當同然。寺有泉名第一

京江夜雪

楊子津邊揚片席，蒼南聲傳京口驛。北風一夜江上寒，黃鶴山頭雪幾尺。去年曾上春秋樓，蘆花楓葉當清秋。何當

踏雪三山頂，第一江山萬里流。甘露寺有宋吳琚題榜曰天下第一江山

丹徒行弔宋武帝

曲阿之北京口東，寄奴王者真英雄。新洲伐荻殺龍子，大業遂建丹徒宮。桓家小兒亂天紀，投袂勤王夜中起。擄蒲百萬皆人豪，龍行虎步非凡理。從茲大運屬彭城，中原趙魏歸經營。破口千軍五龍涸，藍田一戰二嶠平。南北推移幾千載，太息雄圖竟何在。宿麥寒原少昔人，神鴉社鼓成空塞。王氣銷殘帝宅荒，悠悠江水不勝長。忠臣徒嘆表開府，天命還歸蕭建康。

欽定四庫全書

精定錄

寺

五人墓

流連虎阜遊宛轉，山塘路石門映迴波。英靈此中聚，滿壚松桂陰落。日青楓樹生，傍伍胥潮死。近要離墓千秋，忠介墳鬼雄誓相赴。酌酒拂蒼碑，寒鴉自來去。

自光福里入太湖口往聖恩寺

扁舟下西崦，蘇蘇入湖口。遙遙鄧尉山，蒼茫具區數。南來仙靈窟，哀墓號稱首。銅井連青芝，雲錦張左右。七十